


BULEMBO AA BWAANDA

 Obu mukuba busiku muli Bwatata, Nda kasyomezya mangolezya akainda ku...kuti kuyo kanana, ikuti na Mwami wazumizya, sunumasiku, aa ciyo ca *Bulembo Aa Bwaanda*. Kuli kapati, oh, inga twa kanana ali ciyo, elyo mpawo kutasola kukwala kungsi. Pele Ndiyo sola kupandulula aniini kuli ncico sunumasiku, ku lugwasyo lwa Muuya Uusalala. Elyo lino Ndi yanda kubala kuzwa kuli Danieli, chipati ca 5 akampango ka 25. Elyo Lya amba boobu:

Elyo obu mbulembo bwa kalembwa, MENE, MENE, TEKELO, UPASINI.

Elyo lino akube kuti Mwami ayungizye zilongezyo Zyakwe ku Kubala.

² Elyo Ndali buzya na mukwesu mubotu, sikulanga mayake okuno, kuti na inga wazima aya malaiti amwekesya. Ndili ii—ii... Ayaka kutondeka ansi eno mu nzila eyi. Nda lumba, cabuuya loko. Nse konzayi kulibona bbunga. Mpawo cindi Ndano ambaula kuli bamwi, Ndi yanda ku balanga ku meso cindi Ndano ambaula. Kuboneka buyo mbuli kukwabana kugaminina ku bantu.

³ Lino tu syoma ku Mwami wesu, sunumasiku, kuciindi twali kwaya mu ciindi cangu a kukanana ciyo eci. Ndi lizi kuti nciyo cilemu. Alimwi nca vangeli ku muli-... ciyo, acitali cimwi ca kuponesegwa kwa Buleza. Pele ncipati loko ca kuponesegwa kwa Buleza. I Mubili uciswa kapati Ngwe zyi sunumasiku, mubili wa kumuuya iwa Mwami wesu Jesu, a nyika eyi; waka zapaulwa kapati, a kumwaika, mane uyandikana kuponesegwa kwa Buleza.

⁴ Lino, ciyo cesu citalikila mu Babuloni. Alimwi Babuloni yakasanguna kujanwa, eyo icili, mu Shinar. Elyo lutaanzi yakali kutegwa, “mulyango wa Leza,” *Babelo*. Babelo, elyo kumane obo yakategwa *Babuloni*, elyo lyaamba, “lupyopyongano.” Elyo Babuloni ilabonekela lutaanzi mu Bbaibbele, mu Matalikilo; alimwi ilabonekela akati ka Bbaibbele; alimwi ilabonekela kumamanino aa Bbaibbele, Bbuku lyamamanino, Ciyubunuzyo. Elyo mukuba ili moonse mu Bbaibbele, yeelede kuti kaiciliko asunu.

⁵ Elyo, akwalo, zintuzyonse zili a nyika sunu, munzila ya zintu zyakumuuya, mbuli Muuya wa Leza a muuya wa dyabulosi, atoonse tukamu twanguzuuzu azintuzyonse nzo tujisi asunu mu inyika, zya katalikila ku Matalikilo. *Matalikilo* caamba “i kotalika.” Elyo zyonse zintu ezyo, nekubakuti zili kungsi lya zina akungsi lya ciimo cimbo, pele muuya nguonya oyo wakatalikila ku Matalikilo, aku ciyutulula. Elyo cili mbuli samu likomena,

kalisika ku mutwe, oko lyoonse nkoliya kusika ku cintu cipati ku malekelo, nkambo mbeta mpati zya Leza, oko Nkwaya kubamba zintu zyonse. Alimwi zyonse zyaka jisi matalikilo ziyo gola. Cita biyo zintu zyata kajisi matalikilo nze zitakwe magolelo.

⁶ Ako nke kaambo i—i Munakristo wakazyalululwa tajisi magolelo, nkaambo ujisi Buumi Butamani. Alimwi Buumi Butamani ncibeela ca Buumi bwa Leza Mwini, nkambo Leza Mbutamani. Alimwi bbala ndilyonya, bbala lya Cigriki *Zoe* lyaamba kuti “Buumi bwa Leza,” cindi Jesu akanana a kwaamba kuti, “Nda bapa Buumi Butamani,” elyo bbala ndilyonya lyabeleseghwa alubo. Nkikaako, muntu wakazyalululwa, muuya wakwe waka cincwa, nkabela walo uba cibeela ca Leza, cakuti walo mwana wa Leza. Alimwi walo ngwa Butamani mbuli Leza mbwali Butamani, nkaambo walo ncibeela ca Leza, ku Kuzyalwa kwakwe, Kuzyalwa kwakumuuya.

⁷ Lino, Babuloni yaka janwa a muntu wakaulikidwe kuti Nimurodi, oyo wakali mwana wa Hamu, muntu mubi kapatu.

⁸ Elyo Babuloni ciindi cimwi bwakali busena bupati ku inyika. Cindi oyo munzi mupati niwa kayakwa okuya, minzi yonse miniini, ya keengelede nguwo, yakali kutela, kupa mitelo azimwi zimbi, ku munzi oyu mupati, Babuloni.

⁹ Elyo omuya, ikuti na muka bale mu mabbuku amwi ansiku, mbuli lya Hislop’s *Two Babylons*, a makani akale manji ansiku, muyo jana kuti misyobo yonse ya njiisyo zigambya omuya. Ba kajisi mwanakazi omuya, Nse konzyi kwiita zina lyakwe ku cindi eci, elyo waa kali kujana miyanda igambya alimwi . . . kuzwa mu nyika, akupanga tuleza kuli njiyo. Kula syomwa kuti oto twakali tuleza Jakob ntwata katola kuzwa kuli syanyinazyalwa, tumwi tuleza twa miyanda atumwi. Tulengwa buyo tuniini, alimwi kuzwa ku zintu ezi kwa kasonsa tukamu twa nguzuuzu nto tubona mu inyika sunu. Ikuti na mwalanga bupange bwa ntuto, a bupange bwa zintu ezi sunu, bwalo mbupange mbubonya.

¹⁰ Aboobo, Babuloni ikkede mu kkuti elyo pati lijisi busani okuya, alimwi wakali zungulikidwe a kutilailwa ku Mulonga wa Eufraitis, a Tigris. Alimwi yakali mbali mpati ya bulimi. Alimwi Babuloni wakali munzi mupati. Elyo uli, kutandila, mbuli mamaile ali mwaanda a makumi obile kuzunguluka munzi; mamaile ali makumi otatwe ku lubazu alumwi, inga kwaubamba kuba mamaile ali mwaanda makumi obile kuzunguluka. Ba amba kuti tugwagwa mu munzi wa Babuloni twakali tukokola tuli myaanda yobile. I malambo kali atukokola tuli eite kuntuli, mukasimpe ntukokola tuli myaanda yobile kuya mujulu. Ba kali kukonzya kucita mizundano ya nkalaki kuzunguluka malambo aya, a nkalaki. Elyo milyango yaka pangidwe a butale, alimwi eyo milyango mpawo yakaba tukokola tuli myaanda yobile atala. Elyo mpoonya akati ka munzi kwa kayakidwe palesi, alimwi palesi yakali cuuno cabwami. Elyo kwindi akati ka munzi

kwakali kwinda mulonga mupati, Eufraitisi. Ikuti na mula langisya, wakali munzi wa dyabulosi, nkwa wakayakwa mbuli Munzi wa Leza, mbuli Mulonga wa Buumi kumbele lya Cuuno cabwami. Alimwi mu munzi oyu, baka jisi myuunda, mipati ya kucincana ku malambo, konse.

¹¹ Alimwi cakali cisi cipati, canguzu ku ciindi eco, kusikila cakazunda inyka yaka zizilwe, nkabela yonse inyka yakali kutela. Yakali sumpukide kapati mu sayaansi, alimwi caka cintu zintu zipya loko sayaansi nzoya kali kukonzya kuleta. Ca kajisi nkalaki zipya maningi, madizaini mapya maningi, zilwanyo zyanguzu kapti, a lubulo lwinda. Cakali zizilwe kapati ku inyika yonse.

¹² Elyo mpawo mukati ka malambo aya, oko Mwaami Belisazara nkwakali mwaami kuciindi eco cakucitika oku oko nku tukanana sunumasiku. Mwami Belisezara, oyo Bbaibbele ngo lyaamba kuti, “Nebukadinezara, oyo wakali wisi,” pele nconzyo wakali syaniakulu ngwa kalida zina, Mwaami Nebukadinezara.

¹³ Alimwi bunnji bwanu mula yeeya kuti Nebukadinezara wakali katalikilo aa mami a bamasi, mutwe wa ngolide. Alimwi Wa kainkide mu Jerusalemu, mamaile, manji manji kulaale, nkabela yakajata bama Juda akubaleta kumusanza mu bwami bwakwe, akuba citya kuba bazike, alimwi baka belesya bana sayaansi babo abamwi.

¹⁴ Mbubonya mbuli Russia mboya kacita cindi niya kanjila mu Germany. Elyo nkaako kaambo ncoba kabeda a matomiki bboomu, azimwi, baka bweza aba bana sayaansi baci German. Ako nke kaambo ncoba basakene kapati sunu, baka bajata akubatola kutala okuya. Beni, tiiba ka cijisi, pele bakaunka akubweza zintu ezyo mbuli Nebukadinezara mbwa kacitila bama Juda.

¹⁵ Elyo tu jana ecco, kuciindi eci, kwakali muntu mululami wazina lya Danieli, musinsimi wa Mwami, waka toledwe mu buzike ku ciindi eco. Wa kabeleka mbuli sibwami wakali kulanga basondi, abamwi, a bantu basongo aba Magisi, mu bulelo bwa Mwaaami Nebukadinezara.

¹⁶ Elyo lino Belisazara waka toledwe bwendelezi. Belisazara wakali musyobo wa muntu mubi. Ta kajisi ndaba.

¹⁷ Elyo mpawo bantu bonse iba Babuloni, akukwabililwa kuli boobo nkoba kalimvwa kuti bakali jisi! Lumwi mukati ka milyango eyo, a milyango yaka jalidwe, a malambo akali atukokola tuli myaanda yobilo, ntuli ya tukokola tuli eite, amuyeeye buyo mbo balimvwa kukwabililwa mu malambo ayo!

¹⁸ Pele amuyeeye buyo muli ceeci. Takukwe makani obo sayaansi mboya kamubamba kulimvwa kukwabililwa, Leza uyo mujata cindi mwa kubisya! Kuli bukwabilizi bomwe biyo, nkabela obo buli muli Kristo Jesu.

¹⁹ Lino, mbuli mbo bakamvwa kuyandikana kwabo kupati mukuba cisi cakali kusololela inyika, cikozyanyo cini, ca lusumpuko lwa busyaasunu mbuli bumwi motupona mo, eyi America mbotu kapati. Elyo Ndili nyongene, lwangu, pele Nda yoowa kuti tutola kulanganya nkukonya nkoba katola. Kuti tula limvwa nkaambo tuli jisi, eco nco tuyeeya, kuba basayaansi baina, a mameshini gani ainda, a maatomiki bbomu, a ndeke ziinda kubalika, alimwi tu jisi musyobo... Mukuba cisi cisololela mu inyika, kumwi twa limvwa bukwabilizi bwesu kakutakwe Leza.

²⁰ Ncikozyanyo cibotu loko. Alimwi Leza tasanduki. Kulanganya Kwakwe ku cibi kuli mbubonya asunu mbuli mbo kwakabede kaindi. Elyo taakwe busena bwakuyubila ansi awa. Cita muli Kristo momu kwabilidwe.

²¹ Elyo mu munzi oyu mupati, mbuli mbo bakalimvwa kuti kwakanyina nzila, mu inyika, ku mpi kusola kusaala oyo munzi. Malambo, mapati malamfu, a zibelesyo zyabo zyabusyaasunu, alimwi bakali sisidwe ku inyika yaanze. Pele bakazi kusyoonto kuti cisi cibyaabi cakali kutegwa Medesi abana Persia, abo lino mba Hindusi baku India, bakazi kusyoonto kuti mamaile manji kutantamuka bakali kusya tako lya mulonga, ku kunyona Mulonga Eufraitisi, kutegwa kaba konzya kumaccing'a kuni lya malambo. Cindi niba kalimvwa kukwabililwa! Ciindi conse balimvwa boobo. Ikuti na bakalimvwa boobo, nkokuti bakali kucovwaila mu cibi.

²² Ciboeka mbuli kuti cindi muntu asika ku busena oko nkwalimvwa kuba ulijisilidi zyonse, cibo citalika ku mujata. I mbungano, cisi, mugame, kuti tacilimvwi kuyanda lugwasyo lomwi kuzwa anze, cibi citalika kulela muli nguwe. Obo mbwini. Elyo inga twa bona, aswebo, kuti cindi bantu batalika kuba akulimvwa oko kubotu kwinda, kanji cinbi cila njila akuba donkaula.

²³ Aboobo cindi nibajala milyango eyo, ba yeeya kuti bakali kwabilidwe. Pele Leza wakalanga ansi kuzwa ku majulu! "Alimwi cibi ndisampu ku cisi cili conse."

²⁴ Nda libuzya, sunumasiku, a zibelesyo zyonse zyesu zipati, ama sabbumerini ayendelezegwa a matomiki, a ndeke zyesu zya majeeti zyuuluka mamaile amyaanda minji mu kavwalu, kuti nokuba, na, miniti, eyo ikonzya kwindilila saundi bbaliya. Pele, kutasola kuluba pele kuteeti zibi zyako ziyo kuyutulula!

²⁵ Elyo, mu ciindi eci, ba kajalide milyango. Elyo bakali kuyeeya kuti bayo cita, konzya kupona cakuli botezya misaalo mbuli mbo bakali kuyanda, nkaambo bakali kwabilidwe. Ba kali kusololela cisi, onse masi ambi akali kulanga kuli mbabo kuli zya sayaansi a ku—ku lugwasyo.

²⁶ Elyo aboobo, ku ciindi mbuli ceeco, kwa kali ii... Oyu mwaami wakayeeya kuti nakaba a ciindi cibotu kapati. Elyo

wa kabikka buzuba mbwa kali kuyooba a kuzyala kubotu nconyo, na, mbuli Mbwenga ndaamba, kuzyana kwakuliyuumba buniini kwa busyaasunu; buyo kuli nkuko. Elyo aboobo wa kabikka ciindi, nkabela wa katamba bonse basimpuwo, boonse basilumamba a basilutwe, a boonse bamakaintu a basimamambe.

²⁷ Lino, simamambe ngu sibwaamu buyo wakazumizigwa. Elyo sena mwabona, cindi muntu alimvwa kuba ulijisilidi zyonse, kuti wa talika kucovwaila mu cibi?

²⁸ Elyo wa kaitila makoko makali ainda ayo ngakali kukonzya kujana, aku parti eyi mpati ya kuzyana kwa kuliyuumba buniini nja kali kuyo jana. Wa ali kuyeeye kuti wakali kwabilidwe. Wa kali kuyeeya kuti kwakanyina cintu cakalu kukonzya kumucisa, nkaambo wa kali kabotu. Elyo wa kajisi oyu kulibotezya kwa misaalo muli imwi eyi myuunda yakali kunze lya palesi. Elyo kuciindi kali mu muunda, antela bakali usakatide konse mu kubotu kwini, konse kusakatizya kubalama kakulengelela, a kujana boonse basimbi basikuzyana akucita abanji banakazi kusika kukusangabalisa basilumamba. Elyo bukeza bwabo a mawaini abo! Ikuti na oko takuli kubambwa kwa busyaasunu kwa parti ya kuzyana kwa kuliyuumba buniini sunu, Nse zyi oko umwi nkwaya kuba. Obo mbombubo. Elyo bali jisi zintuzyonse kazibambidwe, alimwi baya kuba aciindi cibotu.

²⁹ Elyo kwiina kuzumbauzya pele banji banakazi baakwetwe bakasika. Balumi babo baka siigwa ku maanda mbuli basikumamela bavwanda, kucindi niba kainka kuyooba aciindi cibotu. Elyo bumwi bumbi, kwiina kuzumbauzya mutumbu wakeenda a cibuye, kajisi muvwanda ucisidwe, kucindi muluni uukoledwe nakainka kuyoba ciindi cibotu. Ncisambomwe buyo ca umwi, a cisela ca banji bamwi.

³⁰ Elyo inga Nda babona mbuli mbo batalika kunywa akuba aciindi cibotu. Elyo Nda yeeyela ba kayuma nconzyo nkamu yabaimbi, alimwi baka jisi ziimbo. Elyo basankwa baniini kaba lyuumba kuli umwi aumwi. Alimwi basilumamba, kabakoledwe, kabakwempa banakazi akubawaala ku mitwe yabo, aku bamyonta akukkala mu zyuuno, akoongolola kulibotezya. Kabayeeye kuti bakali kwabilidwe!

³¹ Oh, America, Leza wakalanga ansi ku parti eyo, ya kuliyuumba buniini iya bakolwi, ula kulanga sunumasiku!

³² Alimwi ino baka jisi ciindi cibotu! Alimwi inga Nda muyeyela oyu mwaami awa, Belisazara, wakali syaasunu Elvis Presley, wa kali kukonzya kucita zibotu loko zyabo nzoba kajisi. Elyo konse kulilemeka bumwi kwabo, akuta ziba, coonse ciindi, kuti lufu lwa kalede ku mulyango!

³³ Aboobo, mbuli parti mboya kanjila mu kulyuumba kubotu, kanji kutandila mbuli kubambwa kupati kwa kapepele ka cipekupeku kasunu ka Hollywood, ba kayeeya kuti niba kalya

kudana kubotu kwa bukombi; kujatikizya mbuli cizwato ca Arthur Godfrey, na cintucimwi mbuli eco cabusyaasunu mazuba ano, na sikulizya cilimba mbuli bunyangu Ernie Ford, kulya kudana kumwi kujatikizya mukambausi. Pele Leza ucilangede ansi kuzwa ku Julu! Pele baka yeeya kuti bakali kukkala mu cisi eco cata kali kukonzya kugumwa. Pele ula tebula eco nco byala!

³⁴ Amu cizibe buyo eco, nobantu. Naa uli cisi, na mbungano, na mugame, uyo tebula nco kabyala!

³⁵ Elyo, baa, Nda konzya kumubona oyu mwaami kaimikila a kuti, “Aniini buyo, nobasimbi, atube akudana kubotu kwa bukombi ku mukambausi,” na umwi.

³⁶ Elyo konse kusakatizigwa kubalama ka kuuluka, a balindu bakubusyi kabati, “Whuupe! Iiyi, Ndi syoma kuti tu yanda kumvwa ceeco.”

³⁷ Elyo basilumamba bakubusyi bakali lemeka bumwi mbuli bakubusyi basunu, nkambo kuli buyo mbuli Babuloni wabusyaasunu! Ndili muna America, pele mbubonya Danieli mbwakacita kazulilwa mu Babuloni ku ciindi eco. Pele eco tacileki cibi!

Kati ku musimbi cindi cimwi, “Sa uli Munakristo?”

Waa kati, “Ndila kupa kumvwisya, Ndili muna America.”

Nda kati, “Eco tacaambi cintu.” Taakwe pee!

³⁸ Ndili kkomene kuba muna America, pele eco ta cijisi cakucita kutondezya Bunakristo; tacili cintu. Ikuti na twa bisya, tuyo zibbadelela zibi zyesu, acizibisigwa cabwini kuli ndinywe.

³⁹ Ba kajisi musinsimi okuya, pele tiiba kaswiilila. Ba kali jisi Mulumbe, pele bakali kuyanda Ku useka.

⁴⁰ kuti na eyo taili America yasunu, Nse cizyi. Bali jisi makanimabotu, Bwini pele bayanda ku Bu seka.

⁴¹ Aboobo bakati, “Atu selemuke kuyo bweza zilongo zya babumbulusi basalala, a kuzileta atala awa kuba akudana kubotu kuzwa kuli nzizyo.”

⁴² Leza tazumizyi basizibi kuseka bantu Bakwe! Uyo cibbadelela, buzubabumwi.

⁴³ Elyo ba kaunka kuyo bweza zilongo zya Mwami akuzileta mu tempele, elyo bakali kuyooba akunywa kubotu kuzwa ku zilongo zya Mwami. Elyo cindi niba katila mu Oertel wamu 92 na Pabst Blue Ribbon, muli ncico, kuti babe a kudana kuzwa kuli ncico, oh, baka guuntanya nkamu zya magilazi a zilongo, akutalika kunywa, a kuseka kufubaazika bukombi bwa Mwami. Bakanyina luzibo kuli ceeco ncobakali kucita.

⁴⁴ Elyo mbubonya eci cisi, sunumasiku, kubula luzibo mu kukaka Mulumbe wa Mwami Jesu Kristo, mu lubbizyo lwa Muuya Uusalala, a kuzyalululwa.

45 Nekubakuti bakali bakombi, eno, eyo parti ya bukolwi bwa kuziyana kwakuliyuumba buniini, bakali bakombi, nkaambo Bbaibbele lyakati, “Ba kalumbaizya tuleza twabo.”

46 Aboobo inga waba mukombi lyonse nkabela kotaluzi! Takuli kusinizya. Mbo mbubo. “Kuli nzila eyo iiboneka kabotu ku muntu, pele mamanino aayo ni nzila ya lufu.” Aboobo baka jisi mbungano mpati ya cisi, a bukombi mbo bakali kukonzya kubelekela, elyo bakaseka zintu zya Leza.

47 Alimwi eco ncikozyanyo cini casunu, kuseka zintu zisalala zya Leza. Ba laita bantu, abo basola kupoba busalali a kulilemeka kabotu, a kululama, ba baita kuti, “basiziyanza zyakaindi” na “babumbulusi basalala,” na musyobo umwi wa zina lyabubyaabi. Alimwi baita zipigo zya Mwami, ezyo nzya cita, “Nkubeleka kwa muuya uutasalali, mbuli musondi na dyabulosi.” Oh, mbobuti mbo mukonzya kuyokoka lubeta? I bulowa bwabasikufwida buzumini bula ciitila! Ikuti na Leza tacibeteki eci cisi ku zibi zyaco zyasunu, Uya kubusya Sodoma a Gomora, akulilekelela kuli njiyo ku kwiinyonyoona. Mbo mbubo. Tu tozya ku lubeta! Alimwi ezi zigambyo zipati nzo mubona Mufutuli wesu ulelekedwe nzyali mukucita, olo ndubeta luli afwaafwi; nkabela bwa cipupulula eci cisi kuzwa kulubazu kuyaku lubazu, kuzwa Kujwe kuya Kumbo, kuzwa ku Nyiika kuyaku Musanza. Bala Bu kaka, aku Bu seka, aku bujanina butongo, aku Bu lembe mu mitende mbuli “bufuba.” Amu ciyeeye, Babuloni wasyaasunu!

48 Lino kuciindi nibakali kunywa, kuguuntanya nkomeki zyabo mu kunywa; mpoonya awo, cindi oyu muvubi mupati wamu zipekupeku, wa zina lya Belisazara, wakali kulibambila kunywa kuzwa mu nkomeki yakwe, meso akwe akaboneka kututuluka, mbuli mbwa kanyona akulanga ku buyake bupati bwanguzu, nkambo wa kabona, kuzwa ku Julu, janza lya Muntu, alimwi Lya katalika kulemba atala ansi lya bulambo.

49 Ndi yanda kuti mubone, Lya kalemba aa pulasita. Lino, antela zibikkilo zya malampi zyakali bikkidwe kuzwa kulusakatizyo lubalama, bakali kuba akuzyana kwabo kwa kuliyuumba buniini kwabusyaasunu, nkabela malaiti akali kumweka mweka ku bwaanda. Leza taciti zintu mu kaziye!

Kuli nkoonya kungsi lya malaiti, oko Leza nkwa kanana a kweenda. Aboobo bulembo Bwakwe bugambyakwiinda bwakali a pulasita ya bwaanda, mu kubonekela kuli boonse.

50 Elyo kweelede kuti mwaami waka bubona lutaanzi, oyu sikudana wabusyaasunu, sikusangabalisiya mubotu wa kukapepele, simisobano wamu matelevizhioni. Mbuli mbwa sendeka kanywido ka gilazi, kuti anywe, na nkomeki, eyo nja kajisi mu maanza akwe, meso akwe akatutuluka, nkabela wa kalimvwa kuzungaana konse. Inga ndayeeyela mbwa kacita. I Bbaibbele lyakati, “Mafuwa akwe akajwejuka, kuzwa mu

maswaanino.” Wa kazungaana nconzyo, masimpe eni. Cindi Leza atalika kutondezya Zitondezyo Zyakwe, ncindi caku zungaana. Mbo mbubo. Alimwi mbuli mbwa kaziba, lwiimbo lwakwe lwakuli yuumba buniini lwa mubamba kuzungaana.

⁵¹ Elyo mpawo mbuli mbwa kaziba obu bulembo aa bwaanda, inga Nda yeeyela mukaintu wakwe muniini kajisi kulipenta kwakwe ku mulomo kutandila mbuli cintu Nce tazyi, a masusu akwe onse kabalama cakusakatizigwa, nkabela kapepeleuka konse kuli nguwe, alimwi aba basilumamba bakolwi, nkati, “Twalibuzya na ndipenzi nzi ku mulombe sunumasiku?” mbuli mbwa katikula akameneno.

⁵² Elyo umwi muntu mukubusyi waka mukwempa, a kuti, “Yaa, atu zyane eyi itobela antoomwe.” Elyo ciimbo cakaleka.

⁵³ Oh, eci cisi cipati cazibi, ciindicimwi kuzyana kwako kwa kuliyuumba buniini uyoleka! Ikuti na waswiilila ku jwi lya mukambausi, uyo swiilila ku janza lya Leza mu lubeta buzubabumwi. Pele kuzyana kwa kuliyuumba buniini kuyo leka, mbubonya mbuli inkamu mbo zyakacita zybaimbi, a kulizya *Munsi loko, Leza Wangu, Kuli Nduwe* mu Titanic. Buzubabumwi uya kucinca eyo tyuuni.

⁵⁴ Elyo ciimbo cakaleka. Elyo bakabona sikudana wabo, simisobano wabo—wabo wamu kapelele ka matelevizhini, alimwi, wa kaliimvwi, mazwi akwe kaaumana, mbuli mbwa kalanga akubona eci cintu cipati kacicitika. “Baa,” wa kati, “bonse bwaanda bajalwa konse. Ndi jisi balindizi bangu kabaimvwi ku mulyango, bantu bangu bakulisalila.”

⁵⁵ Pele, nywebo mwabona, Leza taelede kuboola ku mulyango, nzila mbo muyeeya. Ula seluka kuzwa ku Bulemu! Elyo janza Lyakwe lyakali kulemba a bwaanda.

⁵⁶ Elyo cakufwambaana, mukuba mu busena mbubonya bwasyaasunu, Bbaibbele lyakati wa kaita boonse basondi bakwe mukati, bana astronomo, boonse bamabbishopu, bamaiyi, a mapoopu, a makkadinolo, abamwi. Elyo wakati, “Lino Nda mwaambila, balombwana, Nda coolwe ca kukambauka akucita nco muyanda kucita. Lino amundi, pandulwide, Eco cili a bwaanda.”

⁵⁷ Pele mbuli mbo cakabede kaindi, mbo cibede alino, tiiba kazibilene a cigambyociinda. Taakwe ncoba kazyi kujatikizya Ncico. Tiiba kazyi nzila ya kupandulula myaambo itazizilwe. Tiiba kazyi cintu kujatizya cisyobo Cakujulu. Elyo baakacilwa kwaambaula nkambo kwakwaankamana. Tiiba kazyi kujatikizya Ncico. Elyo mbuli mbo bakaimvwi bonse alya...

⁵⁸ Amuyeeye, oku nkulela mukati kwa bwami bwa Bamasi. Elyo mbuli mbo bwakasika kungsi lya cigambyociinda, buya kuzwa kungsi lya cigambyociinda.

59 Pele aba bamabbishopu a bamakkadinolo, a bamayi balemu, teeba kakonzya kupandulula cigambyociinda. Taakwe nci bakazi kujatikizya Ncico. Ba kalanga mu mabbuku abo onse a malembo, nkabela tiiba kajana cintu cakali kukonzya kwezyanisigwa a Ceeco. Nywebo mwabona, zintu zya kumuuya zila mvugwa kumuuya. Elyo mpawo baka nyonganisigwa boonse, elyo tiiba kazyi cakucita.

60 Elyo, kumalekelo, namalelo muniini. Amuyeeye, ta kaliko ku parti ya kuzyana kwa kuliyuumba buniini. Elyo nzila biyo nja kaziba kuti cintucimwi cakali kucitika, majwi akasika kuli nguwe kuti mwaami waka zungaana do, alimwi parti ya kaleka kucitika. Na kaba umwi wa basyomi babotu. Elyo, kumwi na kumbi, waa kali oyo wata kaluba.

61 Waa kabindila ku parti. Elyo mbuli mbwa kabona sikudana wabusyaasunu kazungeene do, a nkamu yakwe yonse ya bambi bakwe, waa kati, “O mwaami, kopona kwalyonse!” Pele taka zyi kuti wa kali fwide mpoonya awo. Kati, “Kopona kwalyonse! Ndi lizyi kuti wa kataazigwa konse kujatikizya obo bulembo buli a bwaanda. Elyo Nda bona poopu, a bamabbishopu a bamakkadinolo, a bamayi bwabukombi, kwiina wabo inga wa Bu bala. Pele, O, mwaami, andi kwaambile cintucimwi! Kuli muntu mu bwami bwako, uuzyi cijatikizya cigambyociinda.”

62 Oh, mukwesu, cindi twa bona bulembo a bwaanda, sunu, pele kuli Muntu oyo uzyi kujatikizya mbubo. Kwayanda wakaunka kwinda mu ofesi lyonse lya madokotela mu dolopo, nkabela baka kwaambila kuti, “Weelede kufwa.” Pele kuli Muntu! Ndiza waka covwaila mu zibi kusikila buntu bwako bwakasiya mbuli malambo abwaamu bwa gehena, nkabela uli libambilide kulijaya, kotakwe bulangizi. Pele kuli Muntu, nkabela Zina Lyakwe ngu Jesu! Uli zyi makani a cigambyociinda. Elyo Uli mu Bwami bwesu, nkambo tuli bana ba Bwami Bwakwe. Ngooyo Muntu!

63 Kati, “Uli zyi makani a cigambyociinda, nkambo kwa myaka yakainda baka jana Muuya wa Leza muli nguwe. Alimwi waka jisi Muuya mubotu kapati. Wa kali kukonzya kupandulula ziloto, wa kazibona zilengaano, alimwi acimwi cazyo cakali luleme nconzyo. Aboobo, uta pengi, ndipe buyo maminiti masyoonto elyo Ndila muleta okuno.”

64 Kuyooba buzuba bumwi mboya ku Mwiita! Kwayanda to jisi busena Bwakwe mu ng’anda yako. Uli pakasizye kapati, kweebela matelvizhioni, kuuma njuka, kunywa makeza, kujanika ku maparti azya kuzyana zyakuli yuumba buniini. Pele kuyooba ciindi comwe noya ku Mwiita! Mbo mbubo.

65 Alimwi aboobo Danieli waka letwa mukati. Elyo mbuli mbwa kaletwa mukati. . .Ii mukambausi wa bululami, muntu wa Leza! Inga ndayeeyela muntu wa Leza kaponu mu busena buli obo citakuti wa kaita ku bulwana. Pele, nywebo mwabona,

mwaami takabikila maanu kuli Ndilyo, nke kaambo wa kali mucuimo mwa kabede.

⁶⁶ Elyo baka leta Danieli, elyo wa kati, “Nkaambonzi bamapoopu a bamaiyi bako taba konzyi kukupandulwida?” Tiiba baka jisi cintu cakupanduluzya.

⁶⁷ Aboobo mpawo ncinzi cakacitika? Danieli wakati, “Oh Belisazara, wa kalizi zintu ezyi zyoonse. Ta zisisidwe kuli nduwe.”

⁶⁸ Elyo Nda ambila America! Ni Nda konzya kubacitya, ku kaindi aka, kumvwa jwi lyangu. Tamukwe luzibo ku zintu ezi zyonse! Mbuli masi akainda mbwa kabisya akucita nco twa cita, twa pimwa mu cikkelo, nkabela twajanwa kubulila. Ncinzi cakacitika ku France? Ncinzi cakacitika kuli Germany? Ncinzi cakacitika ku masi ambi ayo akainkila “waini, banakazi, a ciindi cibotu”? Cila yutuka lyoonse munzila eyo, nkabela ta tusitidwe kuzwa ku mbeta. Leza uli leleme.

⁶⁹ Elyo wa kati, “Uso wako, obo Leza mbwa kakubamba kuba cisi cilemu, pele wa kaluba. Elyo wa kacita zintu nzyoonya nzo cita, nkabela Leza wamu sansula kuba munyama wa musokwe.” Kati, “Uli zibwene zintu ezi, nkabela wabweza zilongo Zyakwe zisalala aku zisampaula.” Amubone. Wa kati, “I bulembo bwabikkwa aa bwaanda, nkabela eci ciindi bwami bwako bwabalwa.” Mu majwi amwi, “Langisya awa, mulombwana, mazuba ako abalwa! Bwami bwako bwanyanzigwa kuzwa kuli nduwe akupegwa ku cisi cimbi, calunya, cisi citalemeki Leza,” nguumwi oyo—oyo mubi mbuli nduwe. Leza ulacitya cibi kulwana cibi. Nda libuzya, asunu!

⁷⁰ Nkoonya ku cindi nciconya, Anda ambe lutaanzi, cindi na kaimvwi alya, kalangilila obo Bulembo a bwaanda, nku syoonto nkwa kazyi kuti nkoonya kungsi lya milyango, mpoonya awo, kuti balindizi bakajaigwa. Elyo basilumamba bakali mu tugwagwa, kaba jaya balindizi bamu palesi. Ba kali a matantilo. Elyo abo banakazi kabaimvwi alya, kutantamuka ku bavwanda babo, kutantamuka ku balumi babo, a balumi babo kuzwa kuli bamakaintu abo, bonse kabakoledwe, kabaswiilila musyobo umwi wa cizyano cabusyaasunu akulilemeka bumwi. Elyo basilumamba bakali a matantilo, mu maminiti masyoonto mwaami wa keelede ku jaigwa. Conse eco cikama ca bantu bakolwi cakali kuyo jaigwa, kwindi ku cisi cinjidwe madaimona, cita syomi mu mutalabala. Elyo banakazi bakali kuyo samununwa zisani zyabo, basimbi baniini a boonse, akuboono cakusungilizya mu tugwagwa; mpawo kubweza ku tusindi, akubbotola mitwe abo ku bwaanda. Kubaandula niba kamana kuboono mu zisusi; basilumamba, basondokede bakolwi! Ca kali ku mulyango, nkambo baka pimwa mu cikkelo, a kujanwa kubulizya.

⁷¹ Elyo Nda libuzya, sunu, mu kucitika kwsu konse kwa busyaasunu, konse kuseka akusampaula miswaangano ya kuponya, kabaseka aku sampaula Mbungano ya Leza muumi, akuyabuya mbuli Bbaibbele mbo lya kaamba kuti baya kucita, “Basikaiya, balisumpula, kaba jis ciwa cabukombi, pele kaba kazya Nguzu zya mbubo.”

⁷² Nda libuzya, mu buzuba obu cindi twa yeeya kuti tuli kwabilidwe kapati, elyo, mpoonya awo, tu jana kuti Russia ili kumbele lyesu kwa myaka yosanwe, mu sayaansi.

⁷³ Twa kali ku maparti manji loko. Twa kacovwaila mu cibi kapati. I mbungano iloona loko, taici bikkili maanu ku miswaangano ya mipailo. Taba cikwe makani. Balo, abalo, bikka jwi kulwana Muuya wini, wakasimpe iwa Leza muumi; taba kabi anjiyo.

Ba kaba kabungwe maningi, kusama kusalesale maningi! Taba jisi ciindi ca miswaangano ya mipailo, bali ku matelevizhioni aku zipekupeku, a kutuntulika konse, aku maparti aabukolwi a zintu. Obo mbwini!

⁷⁴ Eco inga calimvwisya kuba ciyanza cakaindi, pele nce ncico cisi nco ciyandikana sunu. Kuli kukanduka kunji ku Makanimabotu, akusama magloovu amipila. Aeledede kujatwa a maanza atasamide cintu, ku Muuya Uusalala. Nincobeni!

⁷⁵ Billy Graham wakati, kutandila mvwiki na mazuba obile ainda, muli umwi wa milumbe yakwe, kati, “Eci cisi cikonzya kuba ceendelezegwa kuli Russia, kufumbwa ciindi Russia ncoiyanda.” Ino tuli ali?

⁷⁶ Muya kuula marekkodi a Elvis Presley, akukkala ku ng’anda kuta inka kuya kumvwa *Tula Muyanda Sucey*, bumwi bwa mazuba aya! Mwa pimwa mu cikkelo, akujanwa kubulizya! Ncinzi cacitika? Kuli bulembo a bwaanda!

⁷⁷ Bana Russia baka bikka setilaiti ya spatniki eyo njo tutakonzyi kucita anjiyo, mamaile ali myaanda yosanwe kuzwa anyika; alimwi kukonzya kubikka ali cisambomwe ku United States mu maniniti ali makumi otatwe atobela, a kwiitila mukati akuti, “Amulipe, nape mube cilwi catwe mu maminiti masyoonto.” Bala konzya kucicita. Takukwe cintu nco tukonzyi kucita caku balesya. Cili mu maanza abo, bana kkomunisti, batakwe buuya, batakwe lubomba babi! Eco Leza nca belesya kucitya cibi kuboola antangalala. Masimpe obo. Ikuti na mukabale Bbaibbele, Russia yeelede kucita kweendelana ku Ciyubunuzyo. Yaa, nobamayi ba zisinsime inga mwaindana kuli Ceeco, pele amulindile mane cikamane. Russia ili bikiidwe awa ku bukanze obo mbubonya. I Bbabele lya kaamba obo.

⁷⁸ Lino ngooyu kajisi setilaiti ya sputiniki. Twa kasola kutumina lyomwe busiku bumwi, twa kali kuyeeya kuti nitwa kacita mbubonya buyo mbo bakacita; kuuluka kwa tukokola totatwe kuzwa ansi, akuyaka buyo cakuyabaala. Nkuvula kwa

zizyano zya kuliyuumba buniini a cibi! Twa pimwa mu cikkelo a kujanzwa kubulizya. Leza, kuba siluse!

⁷⁹ Ino tuya kucita nzi? Ino ncinzi cikonzya kucitika na batuma ayo masetilaiti a sputniki kutala atu dandamiti oto, a kuti, “Amulipe, nape mulaba cilwi ca lusuko mu maminiti osanwe”? Mubwini, mfulumende yesu, ku kuvuna buumi, inga yalipa. Eco nce cintu cilikke ncoba konzya kucita.

⁸⁰ Mpawo ncinzi cinga cacitika kuli ndinywe nobana America, toonse amuno; kutali okuno, pele Nda amba kukanana kwacisi? Kukanana kwacisi!

⁸¹ Nobantu balimvwa kuziba zyoonse cakazaaza, basimbi abo beenda a milomo miniini ipentedwe mbuli musyobo umwi wa duba lisubila; alimwi banga baseka mukambausi mu kkona, kakambauka Makanimabotu. Elyo yebo, omukubusyi muniini, uyeyea kuti ujisi camba akukanza kwinda bupambu mbo konzya kwendelezya!

⁸² Ino ncinzi ciyo citika kuli nduwe, taata, oyo ukkala ku ng’anda masiku a baama akweebela televizhioni, kucindi junia nali mu mumootokala uzuza kapati, a mucizi uli kunselelo ku kantiini amwi, alimwi uli kunselelo okuya kacita cizyano cakwe cakuliyuumba buniini? Elyo mulangilila televizhion, a kusampaula Makanimabotu!

⁸³ Ncinzi ciyo citika kuli nduwe, osimbungano? Ino micelo yako iyooba buti? Inga kono jisi zina lyako mu bbuku lyonse, a mbungano mpati maningi mu dolopo; pele kuti na toli kungsi lya bukwabilizi bwa Bulowa ibwa Mwami Jesu, uyo loba abaabo baya kuloba, takwe bulangizi kuli nduwe.

⁸⁴ Ncinzi ciyo citika? Kuli setilaiti ya sputiniki kutala okuya. Elyo ncinzi ciya kucitika? I cisi inga calipa, mubwini, eco nce cintu cilikke cibotu ku mfulumende kucita.

⁸⁵ Mpawo ncinzi cicitika? Mayuwe kutobela mayuwe, amaato kaazwide basilumamba; mayuwe kutobela mayuwe, a ndeke; zinga zyasika mu cisi eci. I banakazi inga balalwa cakusungilizigwa mu tugwagwa. Ino inga mwacita nzi? Ci zulilwa kuli mbabo. Ku mutanda mu maanda anu, baya kwaendelezya.

⁸⁶ Ino ncinzi ciya kucitika kuli ndinywe nobasimbi bakubusyi, anywebo nobalombe bakubusyi, anywebo nyoonse ku ciindi eco? Cibi ceelede kubbadelelwa! takukwe makani obo cisi mbo cibede, na nguni mbwabede, cila cicitita. Camugame, na cisi, ciyo bbadelelwa! Alimwi cikama ca babi, basilunya, bamyeebo ijisi malezu, basilumamba bana kkomunisti inga bakwempa bamakaintu banu akuboona cakusungilizya, basimbi banu bakubusyi. Elyo inga mwaimikila aaku ciyanda, taakwe cintu ncomu konzya kucita ancico.

⁸⁷ Ncinzi ciciya ceeco? Nkaambo mwa kaswiilila zintu mbuli mabambe aya amu matelevizhioni ajattikizya cizyano cakuliyuumba buniini a cibi, a mukambausi umwi utontola watulengwa uta konzyi kupandulula cigambyociinda. I bulembo buli a bwaanda! Mbo mbubo! Elyo twa pimwa mu cikkelo akujanwa kubulizya.

⁸⁸ Ndelili eco necikonzya kucitika? Kutaninga kupasiku kwazuba kuseeni. Nguni uya kucilesya? Amu cisole. I Bbaibbele lyaamba kuti ciya kucitika.

⁸⁹ Pele andi mwaambile, eco tacika gumi Mbungano ya Leza muumi, tuno unkide ku ciindi eco!

⁹⁰ Aboobo, mweenzuma, swiilila. Ikuti na eco cintu cili mumsi kapati, nkabela twabona bulembo aa bwaanda, taakwe cikonzya kulesya eci cintu kuta citika eno.

⁹¹ America ya kambaukila, cigambyociinda caka citwa, a cakuzumanana bala covwaila atala lya Ncico.

⁹² Koya ku cisi kubusena bumwi akuba a lubukulusyo, akuba abasanduki bali makumi one mu mvwiki; a kujokela mu mvwiki zili cisambomwe, toka jana bone pe. I ciziba cakaindi cakazelwa kumaninina. Leza uli jisi banji loko Mba kasala. Elyo cindi umwi wamamanino akunjila, oyo uya kujala mulyango nkabela kuyo mana.

⁹³ Mpawo taakwe cintu cisyeeede cita lubeta cindi luse lwakakwa. Alimwi awa tuli kumamanino alweendo.

I cigambyociindi cili mukucitwa, Cila sekwa kusampaulwa. Elyo cintu camamanino, Leza wasika mu Nguzu Zyakwe mwini, mu Mwana Wakwe Wini Uuyandwa, kuti abeleke kwinda mu Mbunagno Yakwe, elyo ba Ciita kuti, “mbukombi bwamizimu,” na “i dyabulosi.” Ino ncinzi cimbi cisyeeede cita lubeta? Elyo mboobu buulembo a bwaanda!

⁹⁴ Pele, ikuti na eco cili mumsi obo, nkabela kufumbwa mwiyi ulizi kuti Mbungano yuunka mu Kukwempwa mapenzi mapati kaatana kuba. Aboobo ikuti na eco cili mumsi, inga cacitika kakutaninga kuca, ino kujatikizya Kukwempwa? Kuli mumsi loko kwiindo boobo! Oh, lilelekwe Zina lya Mwami! I Kuboola kwa Mwami kuli afwaafwi. I Bulembo bwalembwa, alimwi buli lembedwe mu Bbaibbele, nkabela tula pona kuti tucibone.

⁹⁵ Sa inga, ku kusungilizya kwa jwi lyangu, mwatambula Jesu Kristo ku oora eli? “Amusanduke, aku bbizigwa,” wakamba Petro, “umwi aumwi wanu, mu Zina lya Jesu Kristo, ku kujatilwa kwa zibi, nkabela muyo tambula cipego ca Muuya Uusalala; nkambo cisyomezyo cili kuli ndinywe, aku bana banu, akuli baabo bali kulaale. Nkambo taakwe zina limbi lipedwe kungsi a Julu akati ka bantu, muli ndilyo momweelede kufutulwa.” Citakuti uli wa Kristo! inga waba iwa Methodist, Baptisti, Pentekoste, Nazareni, Katolika, uli sweekede kusikila

waba wa Kristo! Alimwi Kristo wasika muli nduwe, kwalo Nkuzyalwa kupya ku Muuya Uusalala. Amu Mu tambule sunumasiku, kuciindi notupaila.

⁹⁶ A mitwe yesu kiikoteme. Nda libuzya kuli ceeci, mbangaye omuno bazi kuti eci cintu cipati inga cacitika? Inga waunka kuyolala sunumasiku a mukaintu wako, nkabela kuseeni uno inkide. Yebo, taata a baama, inga wamyonta bana bako kuya kukulala, sunumasiku, nkabela juunza kuseeni bulo buniini tabunookwe cintu. Elyo muyo selemuka kagwagwa, kuziba eco cakacitika kuli Muka. Jones, uno unkide, awalo. I Kukwempwa kuli afwaafwi, Bbaibbele lyakapa cantangalala.

⁹⁷ Elyo mu muswaangano oyu, kuciindi nojisi ciindi, mbli baalumi ba—ba bupampu, a banakazi ba bupampu, nkaambonzi toswiilile ku lwiito mu moyo wako, akuteeti, “Mwami Leza, kondi zuzya obo Buumi Butamani.” Nkaambo, ikuti na muuya wako ucili muzeezo wabupampu, ucaangidwe ku nyika. Pele Muuya wa Leza, oyo wakazwa ku Julu, uboola mu moyo wako akukupu Muuya Uusalala, muli nduwe. Cindi mapenzi mapati akusika, Muuya (Muuya Uusalala) uyo joka ku Mulengi Wawo, nkabela uyo unka a Nguwo. Takukwe makani mboli mukombi, tau kaunki citakuti kuli Cintucimwi omuya caku kutola.

⁹⁸ Mbangaye sunumasiku, a mitwe yanu kiikoteme, kumeso a Mulumbe oyu, banga batambika maanza abo kuli Kristo, a kuti, “Leza, kondi zuzya Muuya Uusalala Wako. Elyo ikuti na Wa yandika kusika, Ndi yanda kuunka a Nduwe”? Sena inga watambika maanza ako? Leza amu longezye, bonse ku mbungano. Mukasimpe, myaanda yobilo, na aında, maanza atambikwa mujulu.

⁹⁹ Sizibi mweenzuma, ikuti na tona muzumina Kristo, sa inga watambika janza lyako ku ciindi eci, a kuti, “Mwami Jesu, koba siluse kuli ndime”? Leza a kulongezye, mulindu. Leza aku longezye awa, yebo kusule okuya. Umwi umbi, “Kondi yeeya nconzyo, Mwami.” Leza aku longezye awa, ansi awa. I Mwami abe a nduwe. “Kondi yeeya, O Mwami. Meso angu azwaa kujuka. Nda ibaluka kuti ndiza Nda kalibanda kuba Munakristo kwa ciindi cilamfu, pele Nsena kuziba kuti niinzi kuzyalululwa. Nsena utambula Muuya Uusalala.”

¹⁰⁰ “Nkikaako, na muntu tazyalululwa, taka njili mu Bwami, na kutakonzya nokuba kubona Bwami.”

¹⁰¹ Sa inga watambika janza lyako, a kuti, “Koba silusi kuli ndime, O Muuya Uusalala. Elyo cindi Wa kuboolela Mbungano, ukandi tole”? Leza aku longezye, mulindu. Sena inga kwaba umwi umbi, “Kondi yeeya, O Leza.” Lelekwe, munene. Leza aku longezye, mulindu. “Kondi yeeya, O Leza.” Leza aku longezye awa, omulombwana muniini. Leza aku longezye okuya, omulindu. Kusule okuya, omulindu muniini, kusule. A yebo kusule okuya, omulindu. “Koba siluse kuli ndime, O Leza,

cindi Nda bona bulembo kuti buli a bwaanda. Ndili mupampu kweelela, kwaamba, kubona eco ca kaambwa kuzwa mu Bbaibbele, sunumasiku, ako nkuloolola kwa makani akale.”

¹⁰² Tuli ku mamanino. Taakwe cikonzya kugwasya. I cintu ciyo nyonyoona inyika cili mu maanza a bantu babi.

¹⁰³ Kuli bambi basyoonto. Inga waba wamamanino oyo wakasalwa kuboola kuli Kristo. Cindi umwi wamamanino akuboola, lubeta luya kuuma; kusyeede cintu comwe, eco inga caba nduwe. Sa ula Mu tambula sunumasiku kuciindi notulindila?

¹⁰⁴ Maanza ali, makumi otatwe ainka mujulu. Lino tatukwe busena awa bwakubambila lwiito lwaku cipaililo, kuleta bantu kunembo okuno, nkaambo tatu jisi busena bumwi. Pele Ndila mulomba, ncobeni, oh, kusinizya a kuswiilila jwi licenjezya. Amusinizye akulomba Kristo, mpoonya awo mpo mukkede akuti, “Mwami, koba siluse kuli ndime, nde sizibi, a kundi tambula Nke tana indilila cisitilizyo ca luse. Kwalo Nke taninga kubisya ku buzuba bwangu bucijisi luzyalo, koba siluse kuli ndime, Mwami,” nkabela Ula cicita.

Lino paila boobo kuciindi Ne paila anduwe.

¹⁰⁵ Ulelekedwe Mwami, twa imikila mu ciindi cibyaabi sunumasiku. Mbuli mbo tubala Ijwi Lyako, a kuziba kuti kanji kufumbwa ora maredio inga wamweka, a nkamu ya baimb ba cizyano cakuliyuumba buniini cakutalika kwiimba *Munsi Loko, Leza Wangu, Kuli Nduwe*, pele ciindi cino manide mpawo, lubeta luyo uma. Tudandamiti tu tondekedwe kuli ndiswe. Lunyonyooko, ku mamaile a mamaile, ku mataani kutobela mataani aa—aa nguzu zya atomiki zifumpa nyika, azimwi zimbi, ziya kubamba inyika yoonse kupya. Alimwi cili mu maanza a bantu babi. Alimwi Bbaibbele lya kati eyo nje nzila mbo ciya kucitika. Alimwi tula bubona bulembo a bwaanda.

¹⁰⁶ O Mwami Leza, Nse kwanisiyi kusola kuleta Mulumbe mbuli oyu ku bantu. Elyo Ndi limvwa mbo Ndili muniini, kwaiimikila awa, kusola kulanganya ciyo cili obo, pele Uyo ndijatila ku cibeela cangu muku takonzya kucicita. Pele kumwi, kuzwa ku moyo wangu, Nda Ku lombwa kuti usimpe Mulumbe, nzila Mbo uyanda, mu myoyo yabo, nkambo Ndi bwene oora kaliswena. Alimwi koba siluse, Leza, a kufutula umwi aumwi, aku bazuzya Muuya Uusalala. Elyo akube kuti bana Bako, bavungailwe Cakusetekana mu buleza Bwako, a kutambula kusinizya kuzwa ku Mwami Jesu.

¹⁰⁷ Nkambo, cisi cesu tacikwa bilidwe. Twa kali kuyeeya kuti twakali obo. Mbubonya Bwami bwa Babuloni mbo bwakayeeya obo, pele, coonse ciindi, kwakali cisi cibbi kacibeleva. Alimwi kwakali cisi cibbi kacibeleva, kusikila eno tu lizyi kuti bali kunembo yesu, nkabela tuli ku luse lwabo.

¹⁰⁸ Mwami, Mbungao ili ku luse Lwako. Bayo nyonyoona; pele Uya kutola Mbungano Yako. O Mwami, tutole mukumamelwa Kwako, sunumasiku. Alimwi tulongezye nkambo ka Jesu; alimwi mu Zina Lyakwe twa lomba. Amenii.

¹⁰⁹ cabuteteete buyo, aniini. Amu libatamike.

Cabuteteete a cabuuya Jesu ulaita,
Wi ita nduwe a ku . . .

Kuciindi notwiimba eno, bweza kulingula tumpanagliko toonse.

. . .ku kunjililwa kubotu Nkwa lindila
akulangilila,
Kulangilila nduwe a ndime.

Boola ku muunzi . . . (Kuli? Boola atala, boola
atala kapati.)

Yebo nokatede, boola ku muunzi;
Cakusinizya, cabuteteete, Jesu ulaita,
Kaita, O sizibi, boola ku muunzi!

[Mukwesu Branham wang'ung'una *Cabuteteete a Cabuuya*—Mul.]

¹¹⁰ Oh, ino inga caba ciindi cibotu kuli ncico kucitika ndyoonya lino! Oh, kuli kabotu, kufumbwa ciindi Uli libambilide. Amenii! Ndili kkomene kapati kuli Nguwe. Ndili kkomene kapati oyumubili wakaindi ukompeme, oyo wakapusama awa, uyo cincwa mu kaindi kaniini, mu kulaba kwa liso. Ndiyo sanduka kuba mwaalumi mukubusyi alubo, kuya kupoa kwalyonse.

I bakacembaala bayooba bakubusyi okuya
kwalyonse,
Kusandulwa mu kaindi kaniini;
Kutafwika, kuyo imikila mu Kukozyanya
Kwakwe,
I nyenyeezi a zuba ziyo zunda kumweka.

Ino ncoolwe! Uta Mu kaki.

Oh, obo mboya ku Mu yanda kwaamba kuti,
“Kwakacitwa kabotu,”
Aa Buzuba obo Butamani!
Uta kaki Mufutuli Uyandwa kuzwa ku moyo
wako,
Uta Mu kaki. (Obu abube busiku.)

¹¹¹ Mbangaye ba Mu yanda a myoyo yabo yoonse, alimwi muli libambilide ikuti na Wa boola? Oh, obo mbo kulumbwa! Sena tamu limvwi mbuli kuti mwa kumbwa eno, mukati? I Makanimabotu, twa sanzigwa ku maanzi a Ijwi. Kotambikizya buyo kuli uli munsii lyako, akusukana maanza a muntuumwi, kuti, “Leza aku longezye. Ndi limvwa kabotu ncobeni. Leza aku longezye, omuzwakule. Leza aku longezye, mucizi, mukwesu.” Tuli bantu basikweenda mu musinzo.

Beendela mu mugwagwamupati mubotu
wakaindi,
Kuya bwaamba koonse Nkweya,
Inga ndasala kuba Munakristo wa ciindi
cakale, Mwami,
Kwiinda cili conse Nce zyi.

¹¹² Lino kuciindi notuli buyo mu kaindi aka kakubatama, Ndi syoma kuti cindi cainda kale cakwiita mundando wa mipailo. Atu. . . Ndi syoma kuti Muuya Uusalala uli boteledwe kabotu, oyu mweelwe mupati waboola kuli Kristo. Lino amu kajane mbungano cakufwambaana loko, akubbizigwa akunjila mu mbungano eyo, mbungano mbotu izwide Muuya, akukkala okuya kufumbwa kuti kopona.

¹¹³ Ino milimo nzi Kristo Nja kasyomezya kucita? Wa kati, “I mlimo Nje cita, muyo icita anywebo.” Mpawo, Busyu Bwakwe buli waano. Mpawo, Ndi lizyi, beenzuma. Ndi—Ndi lizyi, kwindilila cimvule ca kuzumbauzya, kuti Jesu mpali awa. Kuli Muntu awa, Ngo Muntu nguwena wakeenda mu Galilaya. Ngo Muntu nguwena waka munununa ku Bulowa Bwakwe, akumuponya ku mibunda yakwe. Elyo Mpali awa kuti akutauke a kucita zyonse Nzya kacita, nkaambo Ngu mbobuca nguwenya Mwami Jesu.

¹¹⁴ Lino atu paile aniini, cabuumuzi. Amube mu mipailo kucindi Ne sola kujana muyeeyo wa Muuya Uusalala.

¹¹⁵ Aboobo, eco ciimbo cibotu, obo bantu mu kupenzegwa sunumasiku inga bayanda kumvwa ceeco! I bantu abo antela bakabikka zyuuno nzyo mukkede sunmasiku, bakamvwa makanimabotu, nkabela bakafwa, bali mu kupenzegwa sunumasiku, obo mbo bakali kuyanda kukkala awo mpomu kkede; bakaunka kule eno.

¹¹⁶ Mwami, Yebo Oyo wakapanga Majulu a nyika, Yebo Wa katuma Mwami Jesu ulelekedwe aano a nyika; alimwi muli Nguwe mwakakkede buzule bwa Muuya. Elyo Yebo wa kaamba, kwiinda mu milomo Yakwe kuti, “Ndime Musaansa, nywebo muli mitabi. I Musaansa tau zyali micelo muli Lwawo, pele mitabi njii zyala micelo.” Nda komba, Leza, kuti Ula liyubulula Lwako sunumasiku, akati kesu, kutegwa bantu aba bazibe kuti Mulumbe oyo wakazwaa kukambaukwa, kuti wazwa kuli Nduwe, kuti Ula tucenjezya kulibambila, alimwi mazuba aa mamanino ali afwaafwi.

¹¹⁷ Inga kwaba bantu baciswa bakkede awa, Mwami. Bape kuyumizigwa, kutegwa baponesegwe, nkambo twa lomba ceeci ku bulemu bwa Leza. Lino, Mwami, mbuli mbo tulipa kuli Nduwe, mbuli Mbungano ya Leza muumi; mukubona, Nda yeeyela, maanza oonse omuno aunka mujulu. Elyo Ndiyo Ku lomba, sunumasiku, Mwami, kucita cintucimwi cisalesale kuli ndiswe. Elyo kopa buyo lino kuti bantu aba bakonzya kulipa

lwabo munzila eyo cakuti Muuya Uusalala uyo eenzya kwiinda muli mbabo, a lusyomo luli boobo, alimwi kuti Ndi konzye kulipa lwangu kuli Nduwe, nkabela inga Wa beleka kwiinda mu zipego Zyako a kulitondezya Lwako akati kesu; kuti, inga kwaba beenzu akati kesu. Twa lomba mu Zina lya Jesu. Ameni.

¹¹⁸ [Kabeela katakwecintu aa teepu—Mul.] . . . nkambo lyoonse Ula tondezya luse kumbele lya lubeta. Ndila lomba bakutausi kuti kabacili alta, a kupaila. Atu paile.

¹¹⁹ Elyo lino, kapati, Nda kali kukambauka, alimwi Ndi—Ndiyo lomba buyo ndiza nywebo nobantu okuno kumbele, na kufumbwa nkomubede, kamutalika buyo kwaamba eci. I Bbaibbele lyaamba kuti, “Walo Mupaizi Mupati ukonzya kugumwa kwiinda kukulimvwa kwa kulengauka kwesu.” Ee, mpawo, ikuti na Walo Mupaizi Mupati oyo wakali jilo, Ngu mbobuca asunu; mpawo kukutauka Kwakwe kuli mbubonya oko Nkwa kacita ijilo, Uyo cita asunu ikuti na Ngu mbobuca. Sa mbo mbubo? Aboobo ikuti na Ula konzya kugumwa lino, amu Mu gume a kulimvwa kwanu kwa kulengauka kwanu, aku Mu lekela ku vwiila.

¹²⁰ Amuyeeye buyo, cindi Na kaima koonse ku nkamu ya bantu mbuli obu buzuba bumwi, kwakali muntu wakalibonya, wakali kutegwa Petro, na zina lyakwe wakali Simooni. Elyo Wa kati, “Zina lyako ngu Simooni. Uli mwana wa Jonasi. Pele, kuzwida awa, uyo tegwa Petro.” Wa kaba ni? I muapositolo uyandwa.

¹²¹ Cindi Filipino nakajana Nataniyeli, nkabela wa kayutuka, Wa kati, “Amubone mu Israyeli muli nguwe mutakwe luuni,” mu majwi amwi, “Munakristo, muntu uusyomeka.”

Kati, “Mbobuti Mbo ndiziba, Rabi?”

¹²² Kati, “Katana kukwiita Filipino, cindi nooli kungsi aa cisamu, Ndali kubwene.”

¹²³ I mwanakazi wakali kuciswa kuzwa bulowa wakayutuka. Wa kalanga aa nkamu ya bantu.

¹²⁴ Ba kali kuyeeya kuti milimo Yakwe yakali ya dyabulosi, alimwi bakaamba mu myoyo yabo kuti, “Ngu Bezebule.” Elyo Wa kaiziba miyeeyo yabo. Sa mbo mbubo?

¹²⁵ Wa kati, “Nse citi cintu kusikila Taata wa Ndi tondezya lutaanzi. Elyo milimo eyo Nje cita, muyo icita anywebo.” Aboobo We elede kuba, ikuti na Ula beleka mu Mbungano Yakwe, nkaambo eelyo ndi Ijwi Lyakwe.

¹²⁶ Lino Ndi yanda ku mubuzya. Ikuti mu bbunga eli, nobaceya bantu bobilo na botatwe, i Mwami uyo pa kuti babe a lusyomo lukubwene lwa kuguma cikobela Cakwe, alimwi Ula jokela mu Muuya Wakwe a kucita mbubonya buyo mbuli Mbwa kacita cindi Na kali waano a nyika, sa nyoonse inga mwakkutula ku Mu tambula mbuli sikuponya wanu? Sa inga mwacicita? Amwaambe, “Ameni,” ikuti na mula yanda. [Mbunga yaamba,

“Ameni.”—Mul.] Akube kuti Acipe, ngo mupailo wangu. Lino amu paille buyo. Elyo ikuti na mu. . .

127 Mbangaye bantu baciswa omuno bayanda kuponesegwa, tambika janza lyako. Masena oonse buyo, ncibotu, bantu baciswa abo bayanda kuponesegwa.

128 Lino, ikuti na kuli umwi mu buyake obu oyo Ngwe. . . Nse zyi oyo ngo Ndi langide.

129 Ndi yeeya kuti oyu ngu Rosella ukkede awa, musimbi muniini oyo wakali cakolwa, oyo wakaitwa mu muswaangano kubusena bumwi, wakali cakolwa, elyo madokotela baka mulanzya meso. Walo, cindi nakaitwa a Mwami, musimbi ulizyi Nse kalina mubona na ku muziba. Elyo Mwami waka mwaambila kujatikizya buumi bwakwe boonse a ciimo cakwe, aku mwaambila kuti waa kali kuyooba kabotu. Elyo ngooyu mpali sunumasiku, icilumbo ca luzyalo lwa Leza. Ii cakolwa, mane dokotela kutobela dokotela bakaalilwa kumugwasya, nokaba Kabunga kasola kulesya Bucakolwa. Ndili muzyi.

130 Pele, bumbi, Ndili masimpe loko kuti oyu mukwesu uundi langide, uukkede mpoonya awa uusamide nsuuti ya gireyi, walo mukwesu oyo uutuleta malubaluba. Nda syoma mbo mbubo. Nse—Nse konzyi kuliyeeya zina lyakwe lino. Wa kali kunselelo ku ng’anda yangu kutali ciindi cilamfu cainda, a Mukwesu Boze; Shultz, Mukwesu Shultz.

131 Kunze lya ceeco, Ndali kuyeeya kuti Nda bona Mukwesu Fred Sothmann ziindi buyo zisyoonto zyainda, abusena bumwi mu buyake, pele Nda luba awo mpo bwabede lino. Nekubaboobo, wa liko, uli waano abusena bumwi.

132 Elyo Nse—Nse zyi umwi umbi. Pele Leza uli muzi nyoonse. Ikuti na muyo komba buyo a kulomba Leza, kusoleka lusyomo lwanu.

133 Elyo kutabi umwi wendeenda eno. Amubatame loko kwa ciindi cisyonto citobela. Lino, *Kosyoma Buyo*, ikut na ula cita. Elyo cakubatama buyo mbuli mbo mukonzya ku ziindi zisyoonto, a mukkale zii.

134 Amuyeeye buyo, Kristo waka cisyomezya. “Ti kaindi kaniini, elyo nyika taika Ndi boni limbi; nekubaboobo muyo Ndi bona, nkambo Mebo. . .” (“Mebo,” kutali umbi. *Mebo* ndi bbala lyaamba mugame cigaminina.) “. . . Njo oba andinywe kusika ku mamanino aa inyika. I zintu Nze cita, muyo zicita, anywebo.” “Jesu Kristo mbobuca nguwenya, sunu, amuya myaaka.” Sa obo mbwini? Bweelede kuba bwini.

135 Ee, Ndili lumbide loko ku Mwami. Inga nda. . . Inga mwa nyamuna mitwe yanu ikuti na mula yanda.

136 Mpoonya awa a kkona, ngooyo mulindu ukkede mpoonya awa a kkona. Walo mwanakazi uusiya. Mulindu, Nse kuzi. Leza uli kuzyi. Pele ngooyo Mumuni atalatala buyo lya mwanakazi

lino. Waa ka . . . Ikuti na Mwami ulandi yubunwida kuti penzi lyako niinzi, a cintu nco pailila, sena uyo syoma kuti ngu Mwami Jesu waku kugwasya? We elede kuti uli mu penzi, na cintucimwi nco yanda, nkaambo Ngooyo we.

¹³⁷ Mwabona, beenzuma, nywebo mwati, “Ee, Nse Ubwene.” Eco cila konzeka kuti Tou bwene. Ndi langide kugama nkoonya kuli Nguwo. Mwabona? Nywebo mwati, “Ee, Mukwesu Branham, ikuti na wakonzya Kuu bona kubelesya magano aako, Nda konzya, ambebo.” Oh, peepe.

¹³⁸ Paulo wakaubona Oyo, Jesu mu ciimo ca Mumuni, a baabo bakali anguwe tiiba ka Ubona. Mwabona? I Basongo bakaibona Nyenyeezi, Mumuni waka basololela, pele takwe umbi wa Kai bona. Yakali ya bamwi buyo. Zyalo nzipego.

¹³⁹ I mwanakazi ujisi penzi lya muzipulo zyamupemo. Mbo mbubo. Ujisi penzi lya moyo akwalo. Obo mbombubo ncobeni. Swiilila, zina lyako ngu, ba kwiita kuti “Essie.” Um-hum. Zina lyako lya mamanino ngu Upshire. Um-hum, um-hum. Yebo ukkala mu Kagwagwa ka North Cleveland. Kkeyala yako ngu 1264. Obo mbombubo ncobeni. Lyako . . . Wa guma Cintucimwi, mulindu. Uli zyi kuti tona ndiguma.

¹⁴⁰ Oyo musimbi ukkede muni lyako awo, uli mukukomba, awalo. Elyo ukombela muntuumwi umbi, nkabela abo mbanyoko, alimwi bajisi cintucimwi cilubide mu mapunga abo. Alimwi uli swaangene a mwanakazi oyu *awa*. Uli muka mwana wakwe. Alimwi zina lyanko ngu Margaret. Mbo mbubo. Alimwi ukkala ku busena bomwe. Nda kubona kuboola, a kweenda mukati.

¹⁴¹ Ino uyeeya nzi kujatikizya ncico, munene, muntu uuccilila uukkede awo? Sena mula musyoma kuti Jesu Kristo kuba Mwana wa Leza? Ula cita na? Ikuti na Mwami uyo yubununa kuli ndime penzi lyako mbolibede, sa ula Mu zumina? Yebo ujisi penzi lya mwida. Mbo mbubo. Ikuti na eco cili luleme, koimikila ku matende aako. Cililuleme. Uli mukambausi.

Mubwini, nywebo mwati, “Ula ngide zisani zyakwe zya bupaizi.”

¹⁴² Ncibotu, kunze lya ceeco, muntuumwi ukulangila kuba muna Presbyteria, pele uli mukambausi wa Pentekoste. Mbo mbubo. Ameni. Kulibilika kwako nko kukuletela zilonda zyako zyamwida. Zya mana. Koya ku muunzi akuba kabotu, mukwesu. Ameni.

Koba a lusyomo muli Leza. Ta zumbauzyi.

¹⁴³ Ino uyeeya nzi, kokede mpoonya awa? Iyi. Uh-huh. Sena ula syoma? Ula ndisyoma kuba mulanda wa Leza? Na, uyanda cintucimwi kuzwa kuli Leza. Ikuti na Leza uyo yubununa kuli ndime eco nco yanda, sa muyo syoma kuti Cigambyociindi cili mukucitwa? Ula cisyoma, mbubonya buyo eco Jesu ncanga

waamba? [I mucizi wati, “Moyo wangu oonse.”—Mul.] Moyo wako oonse. Yebo ujisi cikoto, nkabela eco cikoto cili mu kasolo kako. Mbo mbubo. Alimwi ayebo ujisi penzi lya mwida. Kwa kaletwa aa ciimo cakulibilika. Mbo mbubo. Uh-huh. Zina lyako ngu Eva May. Readmani ndi zina lyako lyamamanino. Yebo ukkala mu kagwagwa ka, 1378 Kumbo Kagwagwa ka 13th. Kuli luleme.

Kutegwa uziba kuli Ndili mulanda wa Leza, oyo musimbi wako muniini uukkede alya. Yebo uyanda kuti apailile. Oyo musimbi muniini ujisi kuzwa malowa mukati, alimwi kula boola ali nguwe ciindi abijilwa na atalika kulila canguzu kapati. Ngu MBUBOBU MBWAAMBA I MWAMI.

Oyo mulombe muniini munyina wakwe. Mbo mbubo. I mulombe muniini, awalo, uyanda kuti apailile. Walo upenzegwa akufutilwa mwida, alimwi waka sweekelwa kulema kunji calino, akwalo. Sa ta kacita? Ngu MBUBOBU MBWAAMBA I MWAMI.

¹⁴⁴ I mwanakazi mukuwa uukkede muni lyako, kuboneka kuti uli nyongene amakani a cintucimwi. Sena ula syoma, mucizi? Ula syoma kuti Leza wakatuma Mwana Wakwe, Jesu Kristo, ku kulungulula ku nzyalani ya Bamasi kuti boola cakufwambaana? Yebo ujisi penzi lya gilandi ndo ciswa, alimwi akwalo ujisi penzi lya mala, alimwi ula libilika. To zwi mu dolopo eli, nokuba. Yebo uzwa ku Detroit. Namba yako, nko kkala, ngu 12134 Fandler Street. Mbo mbubo. Detroit, Michigan. Ula muna Itali. Zina lyako ngu Viola P-o-l-o-m- . . . Polomba. Uh-huh. Koba alusyom muli Leza, akutambula eco ncowa lomba.

¹⁴⁵ Ino uyeeya nzi, ansi mu nzila eyi? Sena ula syoma a moyo wako oonse?

¹⁴⁶ Ino kujatikizya nduwe, mulindu muniini ukkede awo? Sena ula syoma a moyo wako oonse, mulindu muniini ku mamanino awo? Ee, na umwi wanu, tacikwe makani. Ino uyeeya nzi, yebo awo, moonya muni lyakwe? Ula syoma a moyo wako oonse, mutumbu muniini kakkede, kandi langide? Ino uyeeya nzi kujatikizya ncico? Sena ula syoma kuti Mwami Jesu ula kuponya ku nsinga ezi zyabulowa zicisa akuzimba nzo jisi? Ula cita? Ndiza inga wayeeya eci, inga wasyoma loko ikuti na Nda kwaambila mulumi wako kuti ujisi penzi lya matwi. Wali kuyanda kuti apailile. Obo mbombubo ncobeni. Uh-huh. Lino sena wandi syoma? Toli kucimvwa pa, kusaanguna. Eco cabee caku kusinsimuna, cintu, nkaambo wa katambula kuponesegwa kwako mpawo.

¹⁴⁷ Yebo wanyamuna janza lyako, muni lyakwe, mulindu. Ino uyeeya nzi kujatikizya ncico? Ula syoma kuti Leza inga wakubamba kuba kabotu na? [I mucizi waamba, “Ndi lizi Ula konzya.”—Mul.] Ula cita na? Ncibotu, nkokuti coondamazwi cako ciyo kuleka. Sa inga wasyoma? Huh?

¹⁴⁸ Ino uyeeya nzi, munene, yebo novukauzya maanza ako? Ula syoma na kuti Leza inga wakuponya ku penzi lyako lya moyo, kukubamba kuba kabotu? Sena ula syoma kuti Uyo cita?

¹⁴⁹ Yebo, ukkede, ulangide aali nguwe awo, ula syoma, ayebo? Uyanda Leza . . . Wa kajisi penzi lya moyo, ayebo. Embo na? Iiyi. Alimwi wajisi daibbetisi, akwalo. Mbo mbubo. Ula syoma na kuti Leza uyo kubamba kuba kabotu? Mpawo inga waba a ncico.

Sena mula syoma? Amube a lusyomo muli Leza!


¹⁵⁰ Ncinzi cili ansi awa? Yebo, munene, ukkede alya kumamanino aa cuuno, ula syoma na? Ule elede. Wa zwaa kuponesegwa. Yebo wajisi penzi lya matende, embo na? Ula syoma kuti Mwami Jesu . . . Pele ukombela muntuumwi umbi lino, oyo munyoko, alimwi uli mu Wisconsin. Wa kazwaa kwaandulwa mu mapunga akwe. Cisela ca ngawo aka gwisigwa. Mbo mbubo. Mula syoma? Mpawo inga watambula eco ncowa lombamba.

Oh, lilelekwe Zina lya Mwami!

Ndiyo Mu lumbaizya, Ndiyo Mu lumbaizya,
Amulumbaizye Kabelele wakajailwa basizibi;
Amu Mupe bulemu nywebo nobantu nyoonse,
Nkambo Bulowa Bwakwe bwakasanzya
twiimba toonse.

¹⁵¹ Lelekwe Mwami, tuyo Mu bona buzubabumwi kutala ku Majula. Tu lizi kuti Uli waano lino mu Mubili wakumuuya, Wa litondezya Omwini cakulondoka kuli ndiswe. I inyika taikonzyi kubala ceeco, Mwami. Ta twi ingili akwalo kucita, nkaambo Wa kati, “Taba ka Ndi boni limbi.” Pele tu lizi kuti ujisi bana bakonzya Ku kubona. Tu jisi bana ba Ku zyi. Alimwi tuli lumbide kuli ncico.

¹⁵² Elyo twa komba lino kuti Uyo fumpa mu buyake obu, a Muuya Uusalala mulemu, a kuponya bantu boonse baciswa omuno. Ndyoonya lino jana bulemu kuli Lwako, Mwami. Akube kuti bantu bata kkali calufu, pele akube kuti babuke a kumweka, a—a kupa Leza kulumbaizya a bulemu. Mu Zina lya Jesu.

¹⁵³ Ikuti na ula Mu syoma, koimikila ku matende ako aku Mu lumbaizya a moyo wako oonse. Elyo sekelela mu Mwami Jesu, nkambo Wa ponya umwi aumwi wanu, nkambo bulemu Bwakwe bupati bwa Buleza. I Mwami amu longeye. Amen! 

58-0108 Bulembo Aa Bwaanda
Cikolo Cipati Caku Lane Tech
Chicago, Illinois U.S.A.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org